

BOSNA I HERCEGOVINA
FEDERACIJA BOSNA I HERCEGOVINA
SREDNJOBOSANSKI KANTON/KANTON SREDIŠNJA BOSNA
OPĆINA TRAVNIK

NAČELNIK

*Konatur bb, 72270 Travnik; Telefon/fax: ++387 30 511 146; E-mail: urednacelnika@opcinatravnik.com.ba;
Web: <http://www.travnik.com.ba> Identifikacijski broj: 4236179780001; Matični broj: 20172550;
Broj poreznog obveznika: 09001098; PDV broj: 236179780001*

Broj: 01-1320/15

Datum: 01.09.2015. godine

Na osnovu člana 20. Zakona o namještenicima u organima državne službe u Federaciji BiH („Službene novine Federacije BiH“, broj: 49/05), a u vezi sa članom 23., 24. i 28. istog Zakona, te člana 68. Pravilnika o unutrašnjoj organizaciji službi za upravu Općine Travnik ("Službene novine Općine Travnik", broj: 1/14, 2/14 i 8/15), načelnik Općine Travnik **r a s p i s u j e**

J A V N I O G L A S

**za prijem u radni odnos namještenika na neodređeno vrijeme
na radno mjesto KV radnik za poslove Odsjeka za katastar**

Naziv radnog mjesta:

- KV radnik za poslove Odsjeka za katastar u Službi za urbanizam, građenje, katastar i imovinsko-pravne poslove
- 1 (jedan) izvršilac

Radni odnos se zasniva na neodređeno vrijeme.

Opis poslova:

- upravlja službenim motornim vozilom za potrebe Službe za urbanizam, građenje, katastar i imovinsko-pravne poslove i stara se o njegovom održavanju;
- pruža tehničku pomoć pri obavljanju terenskih poslova Odsjeka za katastar;
- brine o deponovanju, ispravnosti i sigurnosti operativnih instrumenata i uređaja katastra;
- obavlja kontrolu korištenja, kontrolu stanja i primopredaju općinskih poslovnih prostora od zakupca i prema zakupcu;
- brine o deponovanju, čuvanja i održavanja arhivske građe Službe i Odsjeka za katastar;
- obavlja i druge poslove po nalogu pomoćnika načelnika.

Pored općih uslova propisanih članom 24. Zakona o namještenicima u organima državne službe u Federaciji BiH (državljanstvo BiH, punoljetnost, opća zdravstvena sposobnost, da u posljednje 2 godine od dana objavljivanja oglasa kandidat nije otpuštan iz organa državne službe kao rezultat disciplinske kazne na bilo kojem nivou vlasti u Federaciji, odnosno BiH i da nije obuhvaćen odredbom člana IX 1. Ustava BiH), kandidati trebaju ispunjavati i posebne uslove predviđene Pravilnikom o unutrašnjoj organizaciji službi za upravu Općine Travnik i to:

- KV III stepen - vozač motornih vozila;
- 6 mjeseci radnog staža;
- položen vozački ispit za «B» kategoriju.

Uz prijavu na javni oglas potrebno je priložiti sljedeću dokumentaciju (originale ili ovjerene fotokopije):

- Uvjerenje o državljanstvu;

- Izvod iz matične knjige rođenih;
- Diploma o završenoj stručnoj spremi;
- Dokaz o radnom stažu ustruci – uvjerenje poslodavca;
- Dokaz o položenom vozačkom ispitu za „B“ kategoriju – ovjerena foto-kopija vozačke dozvole;
- Uvjerenje nadležnog suda da se protiv kandidata ne vodi krivični postupak (ne starije od 3 mjeseca);
- Dokaz da u posljednje 2 godine od dana objavljivanja oglasa nije otpuštan iz organa državne službe, a što se dokazuje:
 - Ovjerenom izjavom kandidata - odnosi se na kandidate koji nisu radili u organima državne službe ili su nezaposleni;
 - Uvjerenjem organa državne službe ako je kandidat bio zaposlen u organu državne službe;
- Ovjerena izjava kandidata da nije obuhvaćen odredbom člana IX 1. Ustava BiH.

Dokaz o zdravstvenoj sposobnosti kandidati nisu dužni priložiti uz prijavu na javni oglas, već će se navedeni dokaz dostaviti prije donošenja rješenja o prijemu u radni odnos.

Napomena za sve kandidate:

Odluku o izboru kandidata po ovom raspisanom javnom oglasu donosi rukovodilac organa državne službe Općine Travnik, odnosno općinski načelnik, a na osnovu prijedloga Komisije za izbor koja će razmotriti sve pristigle prijave i utvrditi rang listu uspješnih kandidata u skladu sa uslovima javnog oglasa, i rezultatima kandidata koje ostvare na stručnom testiranju.

Javni oglas ostaje otvoren 15 dana od dana objavljivanja, a bit će objavljen u dnevnim listovima: „Oslobođenje“, „Večernji list“ „Nezavisne novine“, te na web stranici i oglasnoj ploči Općine Travnik.

Prijave sa kratkom biografijom i potrebnom dokumentacijom, uz obavezne podatke za kontakt, dostaviti putem pošte ili lično na adresu: Općina Travnik, Komisija za prijem namještenika u radni odnos na neodređeno vrijeme, Konatur bb, 72270 Travnik.

Prijave se dostavljaju u zatvorenoj koverti sa naznakom „Za javni oglas za popunu radnog mjesta KV radnik za poslove Odsjeka za katastar u Službi za urbanizam, građenje, katastar i imovinsko-pravne poslove“.

Nepotpune, neuredne i neblagovremene prijave neće biti uzete u razmatranje.

NAČELNIK

Admir Hadžiemrić, dipl.ecc.